

往生論



無量壽經優婆提舍願生偈

婆藪槃頭菩薩造 元魏菩提留支譯

偈頌
(總說分)

世尊我一心，歸命盡十方，無礙光如來，願生安樂國。
我依修多羅，真實功德相，說願偈總持，與佛教相應。
觀彼世界相，勝過三界道。究竟如虛空，廣大無邊際。
正道大慈悲，出世善根生。淨光明滿足，如鏡日月輪。
備諸珍寶性，具足妙莊嚴。無垢光炎熾，明淨曜世間。
寶性功德草，柔軟左右旋，觸者生勝樂，過迦旃鄰陀。
寶華千萬種，彌覆池流泉，微風動華葉，交錯光亂轉。
宮殿諸樓閣，觀十方無礙，雜樹異光色，寶欄遍圍繞。
無量寶交絡，羅網遍虛空，種種鈴發響，宣吐妙法音。

雨華衣莊嚴，無量香普熏。佛慧明淨日，除世癡闇冥。
梵聲悟深遠，微妙聞十方。正覺阿彌陀，法王善住持。
如來淨華眾，正覺華化生。愛樂佛法味，禪三昧為食。
永離身心惱，受樂常無間。大乘善根界，等無譏嫌名，
女人及根缺，二乘種不生。眾生所願樂，一切能滿足。
故我願生彼，阿彌陀佛國。無量大寶王，微妙淨華臺。
相好光一尋，色像超群生。如來微妙聲，梵響聞十方。
同地水火風，虛空無分別。天人不動眾，清淨智海生。
如須彌山王，勝妙無過者。天人丈夫眾，恭敬繞瞻仰。
觀佛本願力，遇無空過者，能令速滿足，功德大寶海。
安樂國清淨，常轉無垢輪，化佛菩薩日，如須彌住持。
無垢莊嚴光，一念及一時，普照諸佛會，利益諸群生。

雨天樂華衣，妙香等供養，讚諸佛功德，無有分別心。
何等世界無，佛法功德寶，我願皆往生，示佛法如佛。
我作論說偈，願見彌陀佛，普共諸眾生，往生安樂國。

無量壽修多羅章句，我以偈頌總說竟。

論曰：此願偈明何義？示現觀彼安樂世界，見阿彌陀佛，願生彼國故。

長行

(解義分)

一、願偈大意

二、起觀生信

示五念力

出五念門

云何觀？云何生信心？若善男子、善女人，修五念門行成就，畢竟得生安樂國土，見彼阿彌陀佛。

何等五念門？一者禮拜門；二者讚歎門；三者作願門；四者觀察門；五者迴向門。

1. 禮拜門

2. 讚歎門

云何禮拜？身業禮拜阿彌陀如來、應、正遍知。為生彼國意故。
云何讚歎？口業讚歎。稱彼如來名，如彼如來光明智相，如彼名

義，欲如實修行相應故。

3. 作願門
云何作願？心常作願。一心專念，畢竟往生安樂國土，欲如實修行奢摩他故。

4. 觀察門
云何觀察？智慧觀察。正念觀彼，欲如實修行毗婆舍那故。

三種莊嚴功德
彼觀察有三種。何等三種？一者觀察彼佛國土莊嚴功德；二者觀察阿彌陀佛莊嚴功德；三者觀察彼諸菩薩莊嚴功德。

5. 迴向門
云何迴向？不捨一切苦惱眾生，心常作願，迴向為首，得成就大悲心故。

三、觀行體相
器體
(一) 國土體相
云何觀察彼佛國土莊嚴功德？彼佛國土莊嚴功德者：成就不可思議力故，如彼摩尼如意寶性，相似相對法故。

國土十七
觀察彼佛國土莊嚴功德成就者，有十七種，應知。
何等十七？一者莊嚴清淨功德成就；二者莊嚴量功德成就；三者

莊嚴性功德成就；四者莊嚴形相功德成就；五者莊嚴種種事功德成就；六者莊嚴妙色功德成就；七者莊嚴觸功德成就；八者莊嚴三種功德成就；九者莊嚴雨功德成就；十者莊嚴光明功德成就；十一者莊嚴妙聲功德成就；十二者莊嚴主功德成就；十三者莊嚴眷屬功德成就；十四者莊嚴受用功德成就；十五者莊嚴無諸難功德成就；十六者莊嚴大義門功德成就；十七者莊嚴一切所求滿足功德成就。

1. 清淨 莊嚴「清淨」功德成就者，偈言「觀彼世界相，勝過三界道」故。

2. 量 莊嚴「量」功德成就者，偈言「究竟如虛空，廣大無邊際」故。

3. 性 莊嚴「性」功德成就者，偈言「正道大慈悲，出世善根生」故。

4. 形相 莊嚴「形相」功德成就者，偈言「淨光明滿足，如鏡日月輪」故。

5. 種種事 莊嚴「種種事」功德成就者，偈言「備諸珍寶性，具足妙莊嚴」故。

6. 妙色 莊嚴「妙色」功德成就者，偈言「無垢光炎熾，明淨曜世間」故。

7. 觸

莊嚴「觸」功德成就者，偈言「寶性功德草，柔軟左右旋，觸者生勝樂，過迦旃鄰陀」故。

8. 三種事

莊嚴「三種」功德成就者，有三種事，應知。何等三種？一者水；二者地；三者虛空。

水

莊嚴「水」功德成就者，偈言「寶華千萬種，彌覆池流泉，微風動華葉，交錯光亂轉」故。

地

莊嚴「地」功德成就者，偈言「宮殿諸樓閣，觀十方無礙，雜樹異光色，寶欄遍圍繞」故。

虛空

莊嚴「虛空」功德成就者，偈言「無量寶交絡，羅網遍虛空，種種鈴發響，宣吐妙法音」故。

9. 雨

莊嚴「雨」功德成就者，偈言「雨華衣莊嚴，無量香普熏」故。
莊嚴「光明」功德成就者，偈言「佛慧明淨日，除世癡闇冥」故。

10. 光明

11. 妙聲

莊嚴「妙聲」功德成就者，偈言「梵聲悟深遠，微妙聞十方」故。

12. 主

莊嚴「主」功德成就者，偈言「正覺阿彌陀，法王善住持」故。

13. 眷屬

莊嚴「眷屬」功德成就者，偈言「如來淨華眾，正覺華化生」故。

14. 受用

莊嚴「受用」功德成就者，偈言「愛樂佛法味，禪三昧為食」故。

15. 無諸難

莊嚴「無諸難」功德成就者，偈言「永離身心惱，受樂常無間」故。

16. 大義門

莊嚴「大義門」功德成就者，偈言「大乘善根界，等無譏嫌名，

女人及根缺，二乘種不生」故。

淨土果報，離二種譏嫌過，應知：一者體；二者名。

體有三種：一者二乘人，二者女人，三者諸根不具人。無此三過，

故名「離體譏嫌」。

名亦有三種，非但無三體，乃至不聞二乘、女人、諸根不具三種名，故名「離名譏嫌」。

「等」者，平等一相故。

17. 一切所求
滿足

莊嚴「一切所求滿足」功德成就者，偈言「眾生所願樂，一切能滿足」故。

(二) 示現自利
利他

略說彼阿彌陀佛國土十七種莊嚴功德成就，示現如來自身利益大功德力成就、利益他功德成就故。

(三) 入第一義諦

彼無量壽佛國土莊嚴，第一義諦妙境界相，十六句及一句次第說，應知。

眾生體

(一) 佛八

云何觀佛莊嚴功德成就？觀佛莊嚴功德成就者，有八種相，應知。何等八種？一者莊嚴座功德成就；二者莊嚴身業功德成就；三者莊嚴口業功德成就；四者莊嚴心業功德成就；五者莊嚴大眾功德成就；六者莊嚴上首功德成就；七者莊嚴主功德成就；八者莊嚴不虛作住持功德成就。

1. 座

何者莊嚴「座」功德成就？偈言「無量大寶王，微妙淨華臺」故。

2. 身業

何者莊嚴「身業」功德成就？偈言「相好光一尋，色像超群生」故。

3. 口業

何者莊嚴「口業」功德成就？偈言「如來微妙聲，梵響聞十方」故。

4. 心業

何者莊嚴「心業」功德成就？偈言「同地水火風，虛空無分別」

故。「無分別」者，無分別心故。

5. 大眾

何者莊嚴「大眾」功德成就？偈言「天人不動眾，清淨智海生」故。

6. 上首

何者莊嚴「上首」功德成就？偈言「如須彌山王，勝妙無過者」故。

7. 主

何者莊嚴「主」功德成就？偈言「天人丈夫眾，恭敬繞瞻仰」故。

8. 不虛作
住持

何者莊嚴「不虛作住持」功德成就？偈言「觀佛本願力，遇無空過者，能令速滿足，功德大寶海」故。

即見彼佛，未證淨心菩薩，畢竟得證平等法身，與淨心菩薩，與上地諸菩薩，畢竟同得寂滅平等故。

(二) 菩薩四

略說八句，示現如來自利利他功德莊嚴次第成就，應知。

云何觀察菩薩莊嚴功德成就？觀察菩薩莊嚴功德成就者，觀彼菩薩有四種正修行功德成就，應知。

何者為四？

1. 不動遍
至德

一者於一佛土身不動搖，而遍十方種種應化，如實修行，常作佛事，偈言「安樂國清淨，常轉無垢輪，化佛菩薩日，如須彌住持」故，開諸眾生淤泥華故；

2. 一念遍
至德

二者彼應化身，一切時不前不後、一心一念放大光明，悉能遍至十方世界，教化眾生，種種方便修行所作，滅除一切眾生苦故，偈言「無垢莊嚴光，一念及一時，普照諸佛會，利益諸群生」故；

3. 無餘供
佛德

三者彼於一切世界無餘，照諸佛會大眾無餘，廣大無量供養、恭敬、讚歎諸佛如來功德，偈言「雨天樂華衣，妙香等供養，讚諸佛功

4. 遍示三寶德

德，無有分別心」故；

四者彼於十方一切世界無三寶處，住持莊嚴佛法僧寶功德大海，遍示令解如實修行，偈言「何等世界無，佛法功德寶，我願皆往生，示佛法如佛」故。

四、淨入願心
願心莊嚴

又，向說觀察莊嚴佛土功德成就、莊嚴佛功德成就、莊嚴菩薩功德成就，此三種成就，願心莊嚴，應知。

一法句

略說入一法句故。

清淨句

一法句者，謂清淨句；清淨句者，謂真實智慧、無為法身故。

此清淨有二種，應知。

二種清淨

何等二種？一者器世間清淨；二者眾生世間清淨。器世間清淨者，如向說十七種莊嚴佛土功德成就，是名器世間清淨。眾生世間清淨者，如向說八種莊嚴佛功德成就、四種莊嚴菩薩功德成就，是名眾

一法攝二

生世間清淨。如是一法句，攝二種清淨義，應知。

五、善巧攝化

如是菩薩奢摩他、毗婆舍那，廣略修行，成就柔軟心；如實知廣略諸法；如是成就巧方便迴向。

何者菩薩巧方便迴向？菩薩巧方便迴向者，謂說禮拜等五種修行，所集一切功德善根，不求自身住持之樂，欲拔一切眾生苦故，作願攝取一切眾生共同生彼安樂佛國：是名菩薩巧方便迴向成就。

六、離菩提障

菩薩如是善知迴向成就，即能遠離三種菩提門相違法。何等三種？

一者依智慧門，不求自樂，遠離我心貪著自身故；

二者依慈悲門，拔一切眾生苦，遠離無安眾生心故；

三者依方便門，憐愍一切眾生成心，遠離供養恭敬自身心故。

是名遠離三種菩提門相違法。

菩薩遠離如是三種菩提門相違法，得三種隨順菩提門法滿足故。

七、順菩提門

何等三種？

一者無染清淨心，以不為自身求諸樂故；

二者安清淨心，以拔一切眾生苦故；

三者樂清淨心，以令一切眾生得大菩提故，以攝取眾生彼國土故。

是名三種隨順菩提門法滿足，應知。

向說智慧、慈悲、方便三種門攝取般若，般若攝取方便，應知。

向說遠離我心不貪著自身、遠離無安眾生心、遠離供養恭敬自身心，此三種法，遠離障菩提心，應知。

向說無染清淨心、安清淨心、樂清淨心，此三種心，略一處成就妙樂勝真心，應知。

如是菩薩智慧心、方便心、無障心、勝真心，能生清淨佛國土，

應知。

是名菩薩摩訶薩隨順五種法門，所作隨意，自在成就。如向所說身業、口業、意業、智業、方便智業，隨順法門故。

復有五種門，漸次成就五種功德，應知。何者五門？一者近門；二者大會眾門；三者宅門；四者屋門；五者園林遊戲地門。此五種門，初四種門成就入功德，第五門成就出功德。

1. 近門
入第一門者，以禮拜阿彌陀佛，為生彼國故，得生安樂世界：是名入第一門。

2. 大會眾門
入第二門者，以讚歎阿彌陀佛，隨順名義稱如來名，依如來光明智相修行故，得入大會眾數：是名入第二門。

3. 宅門
入第三門者，以一心專念作願生彼，修奢摩他寂靜三昧行故，得入蓮華藏世界：是名入第三門。

十、利行滿足
五果門

4. 屋門

入第四門者，以專念觀察彼妙莊嚴，修毗婆舍那故，得到彼處，受用種種法味樂：是名入第四門。

5. 園林遊
戲地門

出第五門者，以大慈悲觀察一切苦惱眾生，示應化身，迴入生死園煩惱林中，遊戲神通，至教化地，以本願力迴向故：是名出第五門。

入

菩薩入四種門，自利行成就，應知。

出

菩薩出第五門，迴向利益他行成就，應知。

速得菩提

菩薩如是修五念門行，自利利他，速得成就阿耨多羅三藐三菩提故。

無量壽修多羅優婆提舍願生偈，略解義竟。